

तिसलुनि सहरतोर विस्वसिरेनाहक, किर्स्तुना बळयि पोलु लोहतदु पयाडा सीटि

इद सीटि रासवाल, किर्स्तुना बळयि पोलु आंदोग. पोलु इद सीटटुन, तिसलुनि सहरतोर विस्वसिरेनाहक रासतोग. तिसलुनितोर विस्वसिरेनाहक लोहतद, इद पोलुना दुस्रा मल्काता सीटि आंदु.

इद सीटि पोलु बाराहक रासतोग इतेके, किर्स्तु ओसो मल्स वायनद पोल्लोता लोप्पा, तिसलुनि सहरतोर विस्वसिर एक्बेक आंदुर. पोलु मुने लोहतद सीटटा पोल्लो, ओरिहक बराबर तेळियो. किर्स्तु दोम्हक्ने वायनोग इनजोर, पोलु वेहच मतोग. मति ओरिहक, किर्स्तु चट्टिपट वायनोग इनजोर तेळियता. अदिहक इद पोल्लो निटम आतेके, कबळ कीस बाताल पायदा इनजोर, उच्चुर मन्कलोर कबळ केवोर आंदुर, लंडा आस मंदुर. अदिनेनाहक ओरा इद्रमता गलत विचरतुन जेक कीयलाह, पोलु इद दुस्रा मल्काता सीटि रासतोग. ओसो मुनेता सीटटे, किर्स्तु वातस्के जीवात मनवालोर विस्वसिर, वळदे अन्जि ओन कलियनुर इन्जि, पोलु रासिस मतोग (1 तिसलुनितोर 4:17). मति उच्चुर मन्कलोर, अद दिया वाता इनजोर इंदुर, अदिहक अगडोर विस्वसिर कंद्रेम आस मतोर. इद पोल्लोतुन ओसो बेस-नेहना तेळियिह कीयलाह, पोलु ओरिहक इद सीटि रासतोग.

जोहरता पोल्लो

1-2 नना पोलुनन, सीलास ओसो तिमोति, ✨ माटु इद सीटटुन मीक तिसलुनि सहरते मनवालोर, विस्वसिरा मुडुहक ✨ रासलाह आतोम. मीट देवुळबाबाना संगे, ओसो येसुसामि किर्स्तुना संगे जोळेम आतोरिर, मीक ओरगडाहि सुकमि, देव्या दोर्कि. ✨

किर्स्तु वायहपा, देवुळि सबेटोरा नेयम कीयगा

✨ 1:1-2 1:1-2 2 कुरिततोर 1:19 ✨ 1:1-2 1:1-2 बळयिर 17:1-4; 1 तिसलुनितोर 1:1

✨ 1:1-2 1:1-2 रोम सहरतोर 1:6-7

3 मावोर विस्वसिरिर! मीवा विस्वस पकाय बेर्ससोर दायलाह आता. ओसो मीट ओर्विहक-ओवोर्ग पका जीवा कीसोर दायलाह आतिर.✧ अदिनेनाहक मीवासाटि माट देवुळतुन अमेसा जोहर कीयना गावले.✧ अद्रम कीयनद ओजिहता वने.

4 अदिनेनाहक माट (नाहक-नाहक वेलियिहपा,) इद पोल्लोतुन वेहतह्नोम: तिसलुनितोर विस्वसिरिन, लोकर पकाय तिपल कीस्तोर, पकाय सिक्सा कीस्तोर.✧ तेला मति ओर दीरा पोस मन्हतोर, विस्वस कीसोरेन मन्हतोर इनजोर,✧ देवुळता विस्वसिरा मुडा मुनेह, मीवा लोप्पा पोगयिह्नोम.✧

5-7 मीट येसुनेनाहक तिपल आताहकु, देवुळता राजेमता लायकतोरिर आतिर. मति बेस्के येसुसामि तना लावतव देवतुल्कना संगे,✧ देवुळदीपताहि रेगतद दिसनोग✧ अस्के, देवुळि सबेटोर मन्कलोर नेयम कीयगा. अद तूकने मीट येसुनेनाहक तिपल आयवालोरिर ओसो माट वने, ताना राजेमते दायना लायक महनल इन्जि, देवुळि माक आरम ईयगा.✧ मीक तिपल केवालोरिहक बारा, देवुळि निटम सिक्सा ईयगा.✧ इद्रमलेहका (मीवा पोगोन इचोन विस्द वातेक तेला, मीट दीरा पोस महनिर,) इद पोल्लो देवुळता नेयम सेतेम मन्हता इन्जि, पोळ्क्नेन तोहतहता.

8 देवुळतुन पुनवोर,✧ येसुसामिना बेसता कबुरतुन केंजवोरिहक✧ सिक्सा ईयलाह, येसु मळगनद किसते ओसो वायनोग.✧

9 इद बेद्रमता सिक्सा इतेके, ओर सामिनाहि जेक मन्जि, ओना बेरा डीसातुन बेस्केन ऊळवा, अमेसा-अमेसातुहक बूळेम आयनद जागाते मनदनुर.✧

10 येसुसामि ओसो मल्स वायनोग अस्के, पवित्र लोकरगा तना डीसातुन तोहतनोग.✧ ओन विस्वस कीतोर सबेटोर, ओन बामनाह ऊळनुर, माट ओना लोप्पा वेहतद साक्सितुन, मीट विस्वस कीतिर,✧ अदिनेनाहक मीट वने ओरगा

✧ 1:3 1:3 1 तिसलुनितोर 3:12-13; 4:10 ✧ 1:3 1:3 रोम सहरतोर 1:8 ✧ 1:4 1:4 1 तिसलुनितोर 2:14 ✧ 1:4 1:4 2 कुरिततोर 12:10 ✧ 1:4 1:4 2 कुरिततोर 7:4-7; 1 तिसलुनितोर 2:19 ✧ 1:5-7 1:5-7 यहदाल 14 ✧ 1:5-7 1:5-7 लूकाल 17:30; 1 तिसलुनितोर 4:16 ✧ 1:5-7 1:5-7 पिलिपितोर 1:28 ✧ 1:5-7 1:5-7 पेसमुळि 23:22; तोहचीतव पोल्लोड 19:2 ✧ 1:8 1:8 गलातितोर 4:8 ✧ 1:8 1:8 रोम सहरतोर 2:8 ✧ 1:8 1:8 पेसमुळि 3:2; 19:18; यशायाह 66:15; यहजेकेल 1:13; दानिय्येल 7:9; 1 कुरिततोर 3:13; इब्रितोर 10:27; 1 पत्र 4:17; 2 पत्र 3:7; तोहचीतव पोल्लोड 14:10 ✧ 1:9 1:9 यशायाह 2:10,19,21; पिलिपितोर 3:19; 1 तिसलुनितोर 5:3 ✧ 1:10 1:10 यशायाह 49:3; योहन 17:10; 1 तिसलुनितोर 2:11-12 ✧ 1:10 1:10 1 कुरिततोर 1:5-7; 1 तिसलुनितोर 2:1

कलियकिर.✧

11 इव पोल्लोन सीता कीसि, माट अमेसा मियेनाहक पार्तना कीरह्नोम.✧ देवुळि मीक बह मनदलाह केयता, अहे मनदलाहि, मीट येसुन विस्वस कीताहकु, मीक विचर वातव सबे बेसताड कबस्क कीयलाहि, देवुळि मीक लाव ईयि इनजोर, पार्तना कीरह्नोम.

12 अह आसि, मावा देवुळता ओसो येसुसामि किर्स्तुना देव्वाते, मीवा ताकमुळतेनाहक येसुसामिहकु मान दोर्कगा; अहे ओग वने मीक मान ईयनोग.✧

2

किर्स्तु वायनामुने, लाग्वोग मन्कल दिसनोग

1 मावोर विस्वसिरि! इंजेके मावा येसुसामि किर्स्तु ओसोवने वायनदिना लोप्पा, अहे माट ओनगा जमा आयनदिना लोप्पा,✧ उंद पोल्लो वेहतहनन:

2 सामि ओसो मल्स वायनद दिया वाताये इनजोर, माट देवुळता लेकाते वेहतोम, इलवेके कागहतोम, इलवेके सीटटे रासिस लोहतोम इनजोर, मीट केंजतेके, जल्दि कंद्रेम आयमाटु, रेयमाटु.✧

3 इद्रम बेदाय रीतते, बोगे मन्कनाड पोल्लोने मीट लेसमाटु. मुने सबेटोर मन्कलोर देवुळता पोल्लोतुन केंजोम इनजोर, विस्द कीयनद कालम वायगा.✧ पया देवुळताड अडोन पास्कवाल मन्कल दिसनोग.✧ (ओना लाग्वा बुदि, ओन पूरा बूळेम आयनेकेन ओसीयगा.) ताना पयाये सामि वायनद दिया वायगा.

4 ओग लाग्वोग मन्कल ननाये निटम देवुळतन इनजोर वेहचि,✧ देवुळता मंदिरतगा उदनोग. मन्कलोर मोळकनव सबे पेन्क-हानास्क, सबे देवुळक✧ नावा मुनेह बाताड इलेड इनजोर, ओग पोगयनोग.✧

5 नना मीवा संगे मतस्के, मीक इव पोल्लोन वेहतन, सीता इलेया?✧

6-7 इंजेक वने देवुळताड अडोन केंजवद बुदि, दुनियाता मन्कलोरिन कुस्वने ताकिह कीस्ता इनजोर, मीट पुतिर.✧ इदे बुदतेनाहकु ओग देवुळताड अडोन

✧ **1:10 1:10** 1 तिमतो 3:16 ✧ **1:11 1:11** कुलुसितोर 1:9-10 ✧ **1:12 1:12** यशायाह 24:15; 66:5; मलाकी 1:11; मत्याल 5:16; योहन 17:22-23 ✧ **2:1 2:1** मार्कल 13:27; 1 तिसलुनितोर 2:19; 4:15-17 ✧ **2:2 2:2** 1 योहन 4:1 ✧ **2:3 2:3** 1 तिमतो 4:1 ✧ **2:3 2:3** दानिय्येल 7:25; 8:25; 11:36; तोहचीतव पोल्लोड 13:5-8 ✧ **2:4 2:4** यशायाह 14:14; यहजेकल 28:2 ✧ **2:4 2:4** 1 कुरिततोर 8:5 ✧ **2:4 2:4** तोहचीतव पोल्लोड 13:5 ✧ **2:5 2:5** 1 तिसलुनितोर 3:4 ✧ **2:6-7 2:6-7** तोहचीतव पोल्लोड 17:5,7

पास्कवाल मन्कल, तनाय कगोते सबेटोरिहक दिसनोग।* इंजेके ओर्विना राजेम ताकिहता,* मति उंद दिया ओग मायनोग।

8 ओग मायतस्केने, देवुळताड अडोन पास्कवाल दिसनोग।* मति येसुसामि वातस्के, ओग अडोन पास्कवान तना ऊकुरते हक्कनोग।* येसुसामि वायनदिन ऊळिसिये,* ओग लागवोग बूळेम आयनोग।

9 ओग अडोन पास्कवाल देयहकना मुक्याना सबे लाव अगके वायनोग। बामनाह लेहकाडाड कबस्किन सीनाड इनजोर तोहतनोग,* ओसो इव देवुळतगडाड इनजोर, मन्कलोर इनाह ओरिन नाळेह कीयनोग।*

10 सबे रीतिनाड लागवाड कबस्क तोहतनोग; ओनाड कबस्क, बूळेम आयनद अगदे अनवालोरिन* नाळेह कीयनुड. ओरु येसु किर्स्तुना पिसिह कीयनद सेतेम पोल्लोतुन केंजोर.

11 ओर सेतेम पोल्लोतुन केंजवाहकु, जोलतुन नमिर इनजोर, देवुळि ओरिन पूरा लेसनाह कीयगा.*

12 अस्के सेतेम पोल्लोतुन नमवा, लागवा कबळते गिर्दा आतोर सबेटोर मन्कलोरिन, देवुळि कसुर तोहतगा.*

बेसता कबुरतुन विस्वस कीसोर दायना

13 मति मावोर विस्वसिरि, सामि जीवा कीतोरिर! मीट पवित्र जीवाता मेटे सिरसिर आसि, सेतेम पोल्लोतुन नमिसि पिसना इन्जि,* देवुळि मुनेताहि मीक आचता. अदिनेनाहक मीवासाटि माकु देवुळतुन अमेसा जोहर कीयलाह ओप्पिहता.*

14 बेद बेसता कबुरतुन माट मीक पोकर कीतोम, ताना मेटेने देवुळि मीक केयता.* मावा येसुसामि किर्स्तुना डीसाते मीट कलियना इनजोर, मीक केयता.*

* **2:6-7 2:3-7** 1 योहन 4:3 * **2:6-7 2:6-7** पोलु बोना लोप्पा वेहन्दोग इन्जि माक एर्का इले, मति पोलुना सीट्टुन अर्बवालोरिहक एर्का मता. * **2:8 2:8** दानिय्येल 7:25; 8:25; 11:36; तोहचीतव पोल्लोड 13:5-8 * **2:8 2:8** यशाय्याह 11:4; तोहचीतव पोल्लोड 2:16; 19:15 * **2:8 2:8** 1 तिमोति 6:14; 2 तिमोति 4:1,8; तीतुस 2:13 * **2:9 2:9** मत्याल 24:24; मार्कल 13:22 * **2:9 2:9** याकुब 3:15 * **2:10 2:10** 1 कुरिततोर 1:18 * **2:11 2:11** 1 राजा 22:22; रोम सहरतोर 1:28; 1 तिसलुनितोर 2:3; 2 तिमोति 4:4 * **2:12 2:12** रोम सहरतोर 2:8; 1 कुरिततोर 13:6 * **2:13 2:13** 1 तिसलुनितोर 4:7; 1 पत्र 1:2 * **2:13 2:13** 1:3 * **2:14 2:13-14** इपिसुसतोर 1:4; 1 तिसलुनितोर 5:9; 1 पत्र 1:4-5 * **2:14 2:14** रोम सहरतोर 8:28; 2 पत्र 1:3

15 अदिनेनाहक मावोर विस्वसिरि! मीवा विस्वसते मेग्सिस मन्हटु.✧ माट मावा तोडटे आयि, सीटटे आयि, कागहतव पोल्लोन पोस ताकाटु.✧

16 माक जीवा कीतोगु, माक दया कीसि, बेस्केन मायवद दीरा, अहे बेसतल आसा ईतोगु, मावा देवुळबाबाल ओसो मावा येसुसामि किर्स्तु;✧

17 वेरु मीवा जीवातुन सितुर कीयिर, मीट अमेसा बेसताड कबस्क कीयलाहि, बेसताड पोल्लोड वळहकलाहि मीक मेग्हिह कीयिर.✧

3

पोलु तिसलुनितोरिन पार्तना कीयलाह वेहतहतोग

1 मावोर विस्वसिरि! आक्रिते इद पोल्लो वेहतहनन: माट येसुसामिना पोल्लोतुन पोकर कीयलाह आतोम. अदिनेनाहक अद पोल्लो चट्टिपट दुनियामेंड पोकर आयि, ओसो मियगा आतप लेहका, सबेटोर लोकुर वने तान मान ईसि केंजिर इनजोर, मयेनाहक पार्तना कीम्हटु.✧

2 अहे ओसो सबेटोरु विस्वस केवोर, अदिनेनाहक विस्द केवालोर मन्कलोरगडाहि, तेल्वे मन्कलोरगडाहि, देवुळि माक पिसिह कीयना इनजोर वने पार्तना कीम्हटु.✧

3 मति सामि किर्स्तु सेतेमतोग आंदोग. ओग मीक मेग्हिह कीयनोग,✧ ओसो देयहकना मुक्याल* मियगा वावाह, मीक राका कीयनोग.✧

4 मीक माट उकुम ईतप लेहका, मीट कीयलाह आतिर. मुनेह ओसो सामि मीक ताकिह कीताहकु, मीट कीसोरिन मनदकिर इन्जि, सामिनगा नावा बर्वस मन्हता.

5 देवुळि मीक बेचोन जीवा कीता इनजोर पुनदलाहि, ओसो येसु किर्स्तु बेद्रम तिपलते दीरा पोस मेग्सिस मतोग, अद्रम मीट वने तिपलते दीरा पोस मेग्सिस मनदलाहि,✧ सामि मीक ताकिह कीयनदु.

कबळ कीयलाह लंडा आयवालोरिन पोलु तेर्हतहतोग

✧ 2:15 2:15 1 कुरिततोर 16:13 ✧ 2:15 2:15 1 कुरिततोर 11:2; 2 तिसलुनितोर 3:6; तीतुस 1:9 ✧ 2:16 2:16 योहन 3:16 ✧ 2:17 2:17 1 तिसलुनितोर 3:12-13; 2 तिसलुनितोर 3:3; 1 पत्रु 5:10 ✧ 3:1 3:1 1 तिसलुनितोर 5:25 ✧ 3:2 3:2 रोम सहरतोर 15:30-31 ✧ 3:3 3:3 1 कुरिततोर 1:9; 2 तिसलुनितोर 2:17 * 3:3 3:3 देयहकना मुक्याल मोदुल कागिदते "लागवदु". ✧ 3:3 3:3 1 तिसलुनितोर 5:24 ✧ 3:5 3:5 तोहचीतव पोल्लोड 1:9

6 इंजेके मावोर विस्वसिरिर! मावा येसुसामि किर्स्तुना पेदिरते, मीक उकुम ईयलाह आतोमः उच्चुर विस्वसिर कबळतुहक लंडालोर आतोर, माट मीक काःहतव पोल्लोना लेहका ताकोर. ✧ अद्रम मनवालोर संगे गोत आयमाट. ✧

7-8 माट मियगा मतस्के, बेद्रम मनदना इन्जि तोहतोम. बोनगान ताल्हकिसि तिनीम. मति बोनगान मोता आयनद आयो इनजोर, नःका पिळ्वळ पियल-पोळद तिपल आसि, एपुर पोहच कबळ कीस तितोम. ✧ मीट वने मावा लेहकान मनदना ✧ इनजोर पुतिरे.

9 (मियगा मोता आयलाह,) माक अदिकर मताये, मति माट अद्रम आयोम. ✧ मीट वने मावा लेहकान मनदना इनजोर, ✧ मीक तोहतलाहि, (मावाड कय्कने कबळ कीस तितोम).

10 कबळतुहक लंडा आयवाल मन्कल तिनमाकेग इनजोर, माट मियगा मनदहपा उकुम एवोमा?

11 माट इद्रम बाराहक रासिह्नोम इतेके, मियगा उच्चुर विस्वसिर कबळतुहक लंडा आसि तिरियिह्नोम. आपुना कबळ-काम केवा, दुसोरऱड कबस्कनगा कय्क वाटिह्नोम इनजोर, ✧ माट केंजतोम. ✧

12 अद्रमतोर मन्कलोर केमेन आस कबळ कीसि, आपुना कहटेमतुन तिनिर इनजोर, ✧ येसुसामि किर्स्तुना पेदिरते, ओरिन अर्ज कीसि उकुम इय्हनोम. ✧

13 मति मावोर विस्वसिरिर! मीट इतेके आरेम आयवा, बेसताड कबस्क कीसोर मन्हट्ट. ✧

14 इद सीटटे माट रासतद पोल्लोतुन बोगाय केंजवेके, ओन ऊळिस मन्हट्ट, ओन्क लजा वानाह ओना संगे कलियमाट. ✧

15 मति ओन कोटलतोना लेहका वने ऊळमाट, मावोग विस्वसि इनजोर सीता कीसि, ओन बुद वेहाट्ट. ✧

आक्रिताड पोल्लोड

✧ **3:6 3:6** 1 कुरिततोर 5:9 ✧ **3:6 3:6** 2:15 ✧ **3:6 3:6** रोम सहरतोर 16:17; 1 कुरिततोर 5:11; 1 तिसलुनितोर 5:14; 2 तिमोति 3:5 ✧ **3:7-8 3:7-8** 2 कुरिततोर 11:27; इपिसुसतोर 4:28 ✧ **3:7-8 3:7-8** 1 तिसलुनितोर 1:6 ✧ **3:9 3:9** 1 कुरिततोर 9:4; 1 तिसलुनितोर 2:6-7 ✧ **3:9 3:9** 1 कुरिततोर 4:16; 1 पत्रु 5:3 ✧ **3:11 3:11** 1 तिमोति 5:13; 1 पत्रु 4:15 ✧ **3:11 3:11** 1 तिसलुनितोर 5:14 ✧ **3:12 3:10-12** 1 तिसलुनितोर 4:11 ✧ **3:12 3:11-12** इपिसुसतोर 4:28 ✧ **3:13 3:13** 2 कुरिततोर 4:1; गलातितोर 6:9 ✧ **3:14 3:14** रोम सहरतोर 16:17; तीतुस 2:7-8; 2 योहन 10 ✧ **3:15 3:15** गलातितोर 6:1; 1 तिसलुनितोर 5:14

16 सुकम एवाल सामिनाहि मीक अमेसा सबे रीतिने सुकम दोर्कि.✧ सामि मीट सबेटोरा तोळ मनदना✧ इनजोर, पार्तना कीय्हनोम.

17 इचानाह नना वेहचोर वातन, ओर्वोग राससोर अतोग. इंजेके नना पोलुनन, नावाय कयदे मीक जय येसु इनजोर, रासलाह आतन.✧ नना इद्रमे सबे सीटिनगा, ननाय रास वेहतन इनजोर, मारिह कीय्हनन.†

18 मावा येसुसामि किर्स्तुना देव्वा मियगा मनि.✧

✧ 3:16 3:16 रोम सहरतोर 15:33 ✧ 3:16 3:16 रूति 2:4 ✧ 3:17 3:17 1 कुरिततोर 16:21; गलातितोर 6:11; कुलुसितोर 4:18; पिलेमोन 19 † 3:17 3:17पोलु सीटि लोहन्दोग अस्के, सीटटाड पोल्लोन वेहचोर अंदोग, दुस्रोग बार राससोर अंदोग. सीटि मारिह्पा, पोलु तनाय कयदे रासिस मारिह कीदोग. ✧ 3:18 3:18 रोम सहरतोर 16:20

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458